

熙康

靜樂縣志

四冊 十卷

em/60.111  
32.2  
= 124  
+ 43

嚴寔

康熙

靜

樂

縣

志



景抄靜樂縣志記

丁丑之遷老業亭頓刻之改書聊遷歲月  
三牛時偶有吾西此鄉野之遊歸而跋力於  
吾老之所讀費三牛之老老之為有或數且難  
如素情而孟時志原記壽湯老順沈書中即  
志順治渾碑志等諸抄本而惟靜樂平順  
兩老不遇焉平順偶訪老友范氏考峰後見及  
而靜樂則殊古教育館外未之見其原刻本及  
雍正本此平順舊雖有存而蘭特設書老遺

靜樂縣志

卷

佚同治本則之間大率任其錄有焉爰記范  
氏向教育館借出傳抄以資流傳惟原本印  
刷模糊字句頗有遺缺而同治本則竟至無從  
辨認不託錄氏文士景抄原刻並此老至同  
治本則佚諸異日並婦范氏主張將原刻並  
正地禮以訂以免混同焉

中華民國三十一年一月一日景抄



靜樂縣志

卷

重修靜樂縣志序



靜樂邑志自前代李紳纂集之後閱歷九十年所無有繼起而修之者文獻不備最為邑中缺典予乙亥承乏補任茲土視事之暇每披覽舊乘不勝慨嘆謂此修明典故纂述遺文寧可諉為非長吏事耶且夫邑中紳士豈遂無家傳秘笈紀事藏本如前輩所謂李氏春秋者老成典型於焉攸賴其或深思好學之士念切時務編紀舊聞又或田間父老方言雜記存什一於千百均足以供採擇資剞劂當此絕續之際

乃不及時搜致而再為俟之將來恐年愈遠則事愈略勢不至以九十年間之事盡湮沒無傳不止用是亟為徵集遍語紳士耆宿舉凡家有遺書及風有聞見事無鉅細悉為抄錄投之靜安堂以備考究久之得李公猶龍昔所手書舊志行間者於往事多所傳記繼且得呂生新鑄抄本近事頗詳又賴諸庠士於古梵剝斷石殘碣中時有採錄不無鴻文鉅筆堪補舊志之所未載於是乎前此茫然無稽者今則燦然畢陳於前矣迺為考諸晉陽通志哀諸四隣州縣志

亦有證及古載籍者校讐異同編次成帙付之梨棗  
朞月而工竣邑人士無不樂書之幸觀厥成也予因  
思始為邑志者李紳自叙治戴氏禮而道憲闕公以  
庚辰禮魁按靜而志成蓋幸遭遇匪偶疑若有淵源  
默授者然予家傳治易乃其售於棘闈實由戴經也  
且志亦幾費纂集矣而告成適在庚辰舊志修於前  
萬歷三十九年新志重修於康熙三十九年然則前  
後數十年之間勿亦有所待而然與要之遠稽近考  
別類分門新志原本舊志不相矛盾惟繪圖增補星

宿而諸圖從各門類分附之便於披閱不妨從異又  
謹遵志體紀善不紀惡比諸居其邦不非其大夫之  
例他如怪誕者正之若龍泉指為犬舐仙葩信為美  
姬之類鄙謬者刪之若孫行者婁煩人陽光洞出門  
拾金之類諸所辨正其說甚夥斯實學人信理不肯  
自迷於荒唐之說以欺當世而俟來學是有關於人  
心世教之防者也獨是自乙亥以來兵荒洊至戶口  
凋殘簪筆而記版圖不無怵心於鴻雁揚志於星鬻  
者矣至於人文氣弱豈不加意振興而丙子己卯兩

科無得當者焉姚生珣僅叨空薦耳則夫志選舉當亦與志賦役同慨斯又長民者念切邑事所倦倦不忘之苦心也故因叙志而並及之是為序

皆

康熙三十九年歲在庚辰臘月吉日躔元枵之次  
賜進士第文林郎知靜樂縣事黃圖昌叔大氏題

原序前士子年

廌平道 閻士選

靜樂古分冀域黃帝堯舜之所經理也世移代遷其  
民食和飲淳跨山臨水以生以養出作入息猶有穴  
居野處帝力何有之意蓋結繩之風也以故前代無  
志而迄於今亦未有志也有之自今日監生李糝始  
糝以戴氏禮傳家父子兄弟自相師友每慨然於邑  
乘之未備也至糝而始編摩成書僅名曰志略若謂  
存什一於千百耳嗟夫椎輪為大輅之始乃大輅成  
而椎輪之質止矣然椎輪者固其初也增冰為積水

靜樂縣志

卷

原序

一

所成及積水融而增冰之凜亡矣然增冰者固其基  
也物既有之文亦宜然孰謂是書非茲邑初乘而為  
觀風者所必稽乎余以治兵使者按靜樂而邑故無  
磚城自縣尹程君至率作興事而城始完也因請於  
余曰城以盛民乘以紀事二者俱不可缺余曰城郭  
廓耳志則包羅搜括紀實而存信昭遠而揭藝乃精  
神所寄也是志固急於城矣因序而梓之

李 糝

春秋是非之譜亦法戒之牒也太原諸邑有春秋而

靜樂亡春秋舊有忙家抄藏俗本事未賅而文不雅  
大都好事者為之也縉紳先生難言之先君子用是  
太息糅自髫年有志於此每於誦讀之暇取方輿勝  
覽文獻通考大明一通志皇輿考廣輿圖山西通志  
四鄰州縣志與邑眊俗本校讎異同又於父老所稱  
引如鄉碩宦執運氣祿祥之概不即湮沒者類輯成  
編自顧李氏春秋實之筐笥以資觀省而田賦丁賦  
等人為增損載在版章者則非諸生所敢知也萬歷  
辛丑黃太府銳意太原通志每於所隸徵一士入三

賢書院從京兆仰山萬先生自約纂緒之而糅不才  
濫與茲役於是公門一切始叩其詳為翻其初終而  
條貫之彙具必衡定於萬先生迺呈主司而府庫焉  
從此李氏春秋拔為公典非復鄉者一家言矣但恐  
阻於見聞有虧全體姑易名靜樂縣志略以待來茲  
而實錄之中不無矛盾與夫三代之民公是公非之  
大致謬悞心見繫以危言蓋欲請教於大方且以寓  
異日者持以質正於先君子之意而知我罪我所不  
卹云

李 糒

往不才糒從萬先生撰次邑志既報完於主司矣以太原通志未卒業並疲縣乏資故邑志未得災木萬歷士子夏鴈平道代署寧武糒以謁銓故竭蹶鴈門見所題天限 勾注千山扶北闕地分屏翰滹沱一水奠西陲之甸迺知為大宗師立吾閩公風憲也公自庚辰以禮魁飛鳴聲震天下凡天下有心人咸仰止之唯不才昆李亦治戴禮故誦法年深而企慕心切尤精以選貢四安州弟糧舉辛卯十三名而今

者糒又蟬蛻於龍門一識荊州敢云殊遇無何大宗師節闋靜鄙糒與同事生彬郊迎亭見兢兢脩下士之儀越明日辱公翰召迺出不才所為志藁而稱可之議動紙贖粟縣督刊其諄諄於曠典者一則曰改定一則曰補完一則曰食貨志再加訂正一則曰官師志須留空楮又因糒與彬拜懇序文慨然允許凡此種種皆吾兩人所受命飲冰而一時官師士子所未獲躬聆者噫嘻盛哉何其幸也追惟靜樂文獻久湮自黃太府督修邑志又十餘年所矣太府行矣曾

未有損一金擲一木付殺青比亦未有降顏解頤而  
齒頰邑志者則今日之舉豈偶然哉無論黑子靜樂  
山河鄙陋得大有力者拭拂而潤色之光恠射人雖  
以不才糅寥寥卮言一蒙鼓吹有如藐姑射之神人  
能令羽化而仙昇者是詎直青萍結綠長價薛卞之  
門已哉糅不才躬逢其盛豈惟糅不才之幸即靜鄙  
與有幸焉蓋凡天下缺者貴缺而難得者貴得之而  
可傳久遠者貴邑志業擅其三貴豈非不才糅與靜  
鄙之幸也哉故前序見纂述之自後序見鐫鏤之由  
非侈也而難以與俗人言也

靜樂縣志

卷

原序

四

卮言曰篇中所稱抄志出先進郝鯤家紀載往蹟  
與有賴焉萬歷丙戌歲古完劉公徵六生析類辨  
修未就解館辛丑事見不才前叙丙午曲周羅公  
責糅續藁完更煩兩師十友訂正未刊至壬子獲  
殺青詳見後叙

知縣程希堯

志備忘也埏垓中綺分繡錯孰得少之而靜樂獨無  
夫非盡入職方與闔道尊有慨於中久矣於是有新

裁舊文之役捐俸壽梓甚盛意也下吏分在簿書案牘安閭域權惟是微靈藉光唐唐簡末曰自古晉有乘魯有春秋今晉志其乘之遺乎春秋書稷勝於青祥今志錄微勝於錄惡宜乘不得與春秋並傳非其質也邑賢李上舍懷鉛握槧袞宦遊殆與諸郡邑異須令晉之本質勿滅於文乃直筆哉夫此中峙渺扶踈流絕泳沫天柱汾陽目不信耳遙望金湯一彈丸孤懸漫波無情非要返害入其會敗屋僂坦淒其極目太史弔古寧愛迴轅且桂馨桃浪往往之人尚

可藉口百六會也如石如筭成之闕修亦類景屢希觀是三晉有志自有靜邑無志本無上舍爛文報命無轉為有而二酉三豕苦窮於索有詎掩無有不盡有無不終無譚非遷而託湮固德姬而書竣實惟賴有道之來茲

重修靜樂縣志凡例

一靜樂始自隋大業間其縣治則建於洪武初年沿革建置往代多不可攷而古志又闕焉無聞所藏志略蓋始於萬歷士子李氏一家之言近今百年以來之事不備則風土人物創建治績勢將泯焉無傳其何以壯一邑茲為博採廣搜刪繁補略編定十卷庶成大觀

一志例首重疆域山川所以悉形勢也如古蹟陵墓之屬不過附載勝境以備考詳初無關於地域山川二類附風俗於疆域附陵墓於山川庶幾觀者一目瞭然

一建置城池公署諸類為前代善政豈忍湮沒今悉依舊志所載為分款列項並詳近事以廣後傳他如壇壝寺觀橋樑諸項雖不足以供勝觀然皆為利民之事自當附載於後

一戶口田賦為國家重務寧詳毋略如物產之有無則必考其地之虛實然後地寶可彰今靜邑

僻處山陬風土殊異粟麥而外所產無幾即舊志所載者且多虛冒地產豈今昔之造化或殊耶抑亦借異地之名物以誇耀耳目耶茲為辯定庶足訂訛

一學校所以正人倫祀典祭儀皆不可闕今皆補舊志所無庶靜邑人士咸知大典即鄉飲鄉射悉係古制舊所未載亦宜補入若原志附壇壝寺觀於

文廟之後似為失體茲概訂正

一官師舊志遺失過多益以文獻無徵姑從原本如近代悉為增入所著功績雖微必彰

一人物首重科第而靜邑素隸仕國雄封乃竟寥寥寡儔豈山川鍾靈孕秀亦將有所待耶至如品行諸類悉從公矢慎附入必不敢以優孟衣冠貽譏於司馬也

一藝文志所不廢無如名篇寂寂或亦兵燹廢篋不無遺失又恐賢嗣失守續緒無聞今悉搜輯用彰吉光

一舊載野史雖不盡闕靜邑然邊境所係亦不妨存或亦為採風者所不遺焉

一舊志條目雜亂辭多鄙俚數見不當今削者削更者更務期大雅以備大觀非好為異同也

一官員在任者例載履歷其事蹟不得預書姑闕之以俟將來

重修靜樂縣志目錄

一卷

疆域志

沿革  
形勢

星野  
風俗

地界

二卷

山川志

山泉  
池泉

川蹟  
古蹟

附洞

三卷

建置志

城池  
墩堡

公署  
橋梁

驛鋪  
壇廟

集市  
惠典

四卷

賦役志

田賦  
物產

丁徭  
災變

歲課

靜樂縣志

卷

目錄

五卷

學校志

文廟  
鄉飲

祀典  
鄉射

祭儀

六卷

職官志

官歷

官績

七卷

選舉志

科第  
武科

貢監

吏選

八卷

人物志

勲賢  
封典

儒行  
高義

孝友  
列女

武畧  
賓耆

九卷

藝文志 文 詩

十卷

雜紀志

靜樂縣志

卷

目錄

二